



ОНЛАЙН ЖАЗЫЛУ

1931 жылдың
4 қазанынан бастап шығады

Қ А Р А Ғ А Н Д Ы О Б Л Ы С Т Ы Қ Қ О Ғ А М Д Ы Қ - С А Я С И Г А З Е Т

www.ortalyq.kz

www.instagram.com/ortalyq.kz/

www.facebook.com/ortalyq.kz/

info@ortalyq.kz

**Жаңа техника
табысталды**
2-бет



**«Барыс жылы туған
асау балықпын...»**
6-бет



**Рухы
мықтылардың
бәсекесі**
8-бет



Қадірлі қарағандылықтар!

Сіздерді келіп жеткен қасиетті Рамазан айымен шын жүректен құттықтаймыз!
Рамазан айы – он екі айдың сұлтаны, берекелі де кешірімі мол ай. Ол адамзат баласын шыдамдылық сақтауға, қиындықтарға сабырмен қарауға, бардың бағасына жетуге тәрбиелеп, қайырымды болуға шақырады.
Бұл ай – араздасқан жандардың татуласып, көріспеген туыстың табысатын, адамның жүрегіне мол мейірім, бойына қанағат ұялататын ерекше кезең.
Осы айда әлемнің бүкіл мұсылмандар қауымы Ораза тұтып, рухани тұрғыдан жаңару жолына түседі. Қасиетті Ораза айында адамдар арасындағы өзара сыйластық пен мейірім, ізгілік пен кешірім сияқты асыл қасиеттер дәріптеледі.
Осы кезеңде жасаған қайырымдылықтарыңыз бен дұға-тілектеріңіз қабыл болып, қасиетті ай әрбір отбасын шапағатына бөлесін!
Облысымыздың барлық мұсылмандар қауымын қасиетті Рамазан айымен шын жүректен құттықтаймыз!
Ниеттеріңіз қабыл болып, еліміз аман, аспанымыз ашық болсын!
Оразаларыңыз қабыл болсын!

Ермағанбет БӨЛЕКПАЕВ,
Қарағанды облысының әкімі

Нұркен ҚОБЖАНОВ,
Қарағанды облыстық мәслихатының төрағасы

Ұлыстарды біріктірген ұлы идея



Қазақстан халқы Ассамблеясы – еліміздің тұрақтылығы мен бірлігінің негізін қалаған бірегей институттардың бірі. Осыдан 30 жыл бұрын құрылған бұл ұйым бүгінде этносаралық келісімнің, мәдени сан алуандылықтың және қоғамдық ынтымақтастықтың жарқын үлгісіне айналды. Қарағанды облыстық ҚХА да осы мақсатта ауқымды жұмыстар атқарып, өңірдегі ұлттар достастығының нығаюына зор үлес қосып келеді.

Салтанат ІЛІЯШ,
«Ortalyq Qazaqstan»

Бір шаңырақ астында
– Қазақстан халқы Ассамблеясы 1995 жылы құрылды. Оның басты міндеті – елдегі этностардың бейбітшілікте өмір сүруіне жағдай жасап, ұлттық саясатты үйлестіру. ҚХА жұмысы Қазақстанның басты құндылығы – халықтың бірлігі мен тұрақтылығын сақтауға бағытталған.
Қарағанды облысы – этникалық тұрғыдан көпұлтты өңірлердің бірі.

Облыстың статистика департаменті ұсынған мәліметке сүйенсек, Қарағанды облысында қазақтар саны – 565 309 болса, орыстар – 428 991. Ал, украиндар саны – 32 424. Сталиннің саясатынан зардап шегіп, амалсыз жер ауып келген немістер – 28 088, татарлар – 26 969, белорусы – 9 033. Қарағанды облысында тұратын көрістер де аз емес. Кезінде Кеңестің сенімінен шығып, «жапон шпионажының еніп кетуіне» жол бермеу үшін елімізге келген олардың саны бүгінде – 11 580. Көңілі даласындай дархан қазақ пен Кавказ тауындай асқақ шешеннің де жолы

осы жерде тоғысып, бір-бірін бауыр санап кеткен олардың саны облыста – 5 311. Башқұрттар болса – 3 220, поляктар – 3 080, эзирбайжандар – 4 195. Одан бөлек, молдавандар да бар. Қазақстанды, оның ішінде, Қарағандыны туған жері санап кеткен олардың саны – 1 781. Ал, мордвалар – 1 144. «Өзбек – өз ағам» деп, бір туғанындай көретін ұлт саны облыста – 3841 болса, чуваштар – 1 310. Қазақстанды өз Отанына айналдырған гректер саны – 1 710 болса, литвалықтар – 1 374.

Ортақ мүдде жолындағы міндет
30 жыл ішінде облыстық ҚХА түрлі бағыттағы жұмыстарды жүзеге асырды. Оның негізгі жетістіктері ретінде этномәдени бірлестіктердің дамуын ерекше айтуға болады. Бүгінде облыста өз ұлттарының

дәстүрін, мәдениетін, тілін сақтауға және дамытуға зор үлес қосып келе жатқан жиырмадан астам этномәдени бірлестік жұмыс істейді.

Өңірлік Ассамблеяның бастауында «Видергебурт» неміс қоғамының, Қазақстан кәрістер қауымдастығы филиалының, еврей мәдениеті және «Ихлас» татар-башқұрт орталығының, гректердің «Авги», «Вайнах» шешен-ингуш орталығының мүшелері бар.

Алғашқы мәдени орталықтардың жұмыс тәжірибесі фольклорлық іс-шараларды насихаттаудан тұрды. Олар дәстүрді жаңғыртып, ана тілін үйренудің қадамын жасады. Жылдар өте жаңадан құрылған ұлттық мәдени орталықтардың саны артып, тәжірибе жинақталды, этносаясат саласындағы білім жетілдірілді. Облыстық Ассамблеяның беделі күшейді.

Ал, Қоғамдық келісім кеңестері азаматтық қоғамның дамуына, жастардың патриоттық тәрбиесіне, қайырымдылық шараларын ұйымдастыруға атсалысады.

Ассамблеяның жастар саясаты және волонтерлік қозғалыс құрылымын ерекше атау керек. ҚХА жастардың белсенділігін арттыруға ерекше көңіл бөледі. «Жаңғыру жолы» жастар қозғалысы облыстағы этносаралық диалогты дамытуға, волонтерлік қызметті жандандыруға бағытталған жобаларды іске асырып келеді.

Қайырымдылық – Ассамблея жұмысының бастауы екенін жоққа шығара алмаймыз. ҚХА бастама-сымен өңірде түрлі қайырымдылық шаралары өткізіліп келеді. Әлеуметтік жағдайы төмен отбасыларға көмек көрсету, ҰОС ардагерлері мен қарттарға қолдау білдіру – облыстық ҚХА қызметінің маңызды бөлігі.

Біз – бауырмыз!

Ассамблея – ел бірлігінің кепілі. Қиын кезеңде бірге ұйысып, көмекке асығатынын көзіміз көріп келеді. Мәселен, былтырғы су тасқыны



кезінде Қазақстан халқы Ассамблеясы зардап шеккендерге көмек көрсету үшін «Жүректен-жүрекке» акциясын жариялады. Ал, облыстағы «Жомарт жан» орталығы осы акция аясында гуманитарлық көмек жинады. Кәсіпкерлерді, белсенділерді және жанашыр жандарды біріктірген ҚХА қиын кезеңде қол ұшын созуға даяр.

Облыстың Қазақстан халқы Ассамблеясының жұмысына жастар да белсенді тартылды. Мысалы, түрлі бағытта жұмыс істейтін «Ассамблея жастары» облыстағы барлық іс-шараларға белсене қатысып, өздерінің азаматтық ұстанымдарын көрсетіп келеді.

Облыста 80-нен астам ақсақалдар кеңесі жұмыс істейді. Одан бөлек, 130-дан астам Аналар кеңесі – отбасыларды қолдауға бағытталған тиімді құрал. Басты мақсат – бейбітшілік пен келісімді нығайтуға жәрдемдесу, өскелең ұрпақты туған жерге деген сүйіспеншілік пен қоғам алдындағы жауапкершілікке тәрбиелеу.

30 жылдық жемісті жұмыс барысында Қарағанды облысының Қазақстан халқы Ассамблеясы келісім мен бірлескен іс-әрекеттер арқылы барлық қиындықтарды жеңіп, елдің ұзақ мерзімді дамуына үлес қосып келеді. Себебі, біз – бауырмыз!

Бейбітшілік пен келісімнің сенімді тірегіне айналған ҚХА алдағы уақытта да қоғамдағы тұрақтылықты сақтауға, этносаралық достықты нығайтуға, ұлттық құндылықтарды дәріптеуге бағытталған жобаларын жалғастыра бермек.

Бүгінде Қазақстан халқы Ассамблеясы – тек бір өңірдің ғана емес, бүкіл елдің берекесі мен бірлігінің символы.

1 НАУРЫЗ – АЛҒЫС АЙТУ КҮНІ

Өткенге тағзым, бүгінге алғыс!

Ерқанат КЕҢЕСБЕКҰЛЫ,
«Ortalyq Qazaqstan»

Тарихтың сан мың қатпарлы парактарында қарғамалдығы мен кен жүректілігі алтын әріптермен жазылған. Жетімін жылатапаған, жесірін қаңғыртпаған, жат жұртты да өзекке теппеген ел азапты жылдарда өзгенің қайғысын бөлісіп, пана болды. Бүгінде бізге бейбіт аспан, татулық пен достықтың берік ордасы – аманат. Алғыс айту күні – сол бір тағдырлы жылдардың ұмытылмас белгісі ғана емес, мейірімділік пен адамгершілікті дәріптейтін өңеге. Алғыс – бірлікті бекемдейтін ұлы құндылық. Бұл күні өткенге тағзым етіп, болашаққа ұмтыламыз, шынайы ризашылықтың шырағын жағамыз. Өйткені, қазақ үшін алғыс айту – тек сөз емес, бұл жүректің кеңдігі мен жанның тазалығы!



Қазақ халқы ықылым заманнан «Алғыс алған арымас» деген сөзді бекер айтпаған. Алғыс – шынайы ризашылықтың, жүрек жылуының

мын жегенді де ұмытпаған. Бүгінде 1 наурыз – Қазақстанда Алғыс айту күні. Бұл күннің мәні тереңде жатыр. Тарихтың қатпарларына зер салар болсақ, күні кешегі кеңес заманында қазақ жеріне түрлі ұлт өкілі жер аударылды. 1930-1950 жылдардағы саяси қуғын-сүргін кезінде мыңдаған неміс, корей, түрік, шешен, ингуш, балқар, қарашай, грек және басқа да этностар Қазақстанға күштеп қоныстандырылды. Олар туған жерінен үдере көшіріліп, белгісіз мекенге жіберілгенде аштық пен суықтан қажыды. Осындай ауыр сәтте қазақ халқы қолындағы барымен бөлісіп, оларды бауырына басты.

Бір ғана қазыналы да қасиетті Қарағандыға 1930-1950 жылдары Кеңес үкіметінің саяси шешімдері негізінде 30-дан астам ұлт пен этнос өкілдері күштеп жер аударылды. Олардың арасында немістер, корейлер, шешендер, ингуштар, түріктер, гректер, поляктар, украиндар, қарашайлар, балқарлар, қырым татарлары, молдавандар және басқа да этностар болды.

► 3-бет

ӘЛЕУМЕТТІК ҚОЛДАУ

Мерекелік көмек көрсетіледі

Облыстың жұмыспен қамтуды үйлестіру және әлеуметтік бағдарламалар басқармасының мәліметінше, Әйелдердің халықаралық күні қарсаңында облыс бойынша 32 441 адамды материалдық көмекпен қамту жоспарланған. Бұл мақсатта 861,2 млн теңге бөлінді. Оның 853,8 млн теңгесі жергілікті бюджет есебінен болса, 7,4 млн теңгесі бюджеттен тыс қаражаттан.

Жансая ОМАРБЕК,
«Ortalyq Qazaqstan»

Жергілікті атқару органдарының шешімімен бір реттік материалдық көмекті 28 399 адам алады. Көмек барлық қалалар мен аудандардағы түрлі әлеуметтік санаттағы әйелдерге беріледі. Бұған 853,4 млн теңге бағытталды.

Көпбалалы аналар, «Алтын алқа», «Күміс алқа» немесе «Батыр ана» атағын алған аналар 20 мың теңгеден, Шахтинскіде мүгедек балалар өсіріп отырған аналар 20 мың теңгеден көмек алады. Сонымен қатар, Теміртауда амбулаториялық ем алып жүрген туберкулезбен ауыратын науқастарға 60 мың теңге, ал, Саран қаласында баласы мектепке дейінгі мекемеге баратын қолпа-

лалы отбасыларға көмек беріледі. Халықтың әлеуметтік осал тобынан шыққан әйелдерге мерекелік шаралар мен арнайы дастарқан ұйымдастырылады. Мұндай көмек 2,2 млн теңгеге 2 335 адамға көрсетіледі. Бұлар – егзе жастағы жалғызбалалы жандар, I, II топ мүгедектері. 1 048 адамға бюджеттен тыс қаражаттың 4,2 млн теңгесіне азықтүлік себетін беру жоспарланған.

Бұдан өзге, халықтың осал топтарына мерекелік шаралар өткізуге, дастарқан жайып, конкурстар мен спорттық сайыстар ұйымдастыруға 1,3 млн теңге бөлінеді, қаражатқа 662 адам қамтылақшы. Мұндай қолдаулар Қарағанды, Балқаш, Саран қалалары мен Ақтоғай, Бұқар жырау, Қарқаралы, Нұра аудандарында да жасалады.